



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA VISOKO  
PRIVREDNI SAVJET OPĆINSKE NAČELNICE**



Broj: 01-5/15

Datum: 26.11.2015 godine

**Izvod iz zapisnika sa radne sjednice Privrednog i Poljoprivrednog savjeta  
Općinske načelnice**

održane 26.11.2015 godine u maloj Sali Općine Visoko sa početkom u 14 sati. Sastanku su prisustvovali:

1. Alija Bojčić, član
2. Fuad Kadić, član
3. Vildana Džafić, član
4. Emir Fejzović, šef Odsjeka za lokalni ekonomski razvoj
5. Suada Koljenović, tehničko lice Savjeta
6. Amira Džafić, tehničko lice Savjeta
7. Amir Sarajlić, savjetnik za razvoj radne snage – Gold projekat
8. Sanela Slijepčević, direktor MSS „Hazim Šabanović“ Visoko
9. Dženeta Mihaljević, volonter u Odsjeku za LER

**DNEVNI RED:**

1. Uspostava Savjetodavnog vijeća za stručno obrazovanje i obuku
2. Nacrt Strategije razvoja općine Visoko za period 2015 godina do 2021 godina
3. Nacrt Odluke o općinskim komunalnim taksama
4. Razno

**1) Uspostava Savjetodavnog vijeća za stručno obrazovanje i obuku**

- Poslije uvodnih napomena Amir Sarajlić, savjetnik za razvoj radne snage u Gold projektu je upoznao prisutne o značaju uspostavljanja Savjetodavnog vijeća za stručno obrazovanje i obuku na području općine Visoko. Istakao je da je Savjetodavno vijeće tijelo kroz koje se kanališu rasprave, savjetovanja i pregovori i zajedničke akcije poslodavaca, obrazovnih institucija i drugih zainteresiranih strana oko pitanja vezanih za područje rada i obrazovanja. Naveo je zakonski okvir za uspostavu Savjetodavnog vijeća, kao i korake koje je neophodno preduzeti za implementaciju ovih aktivnosti. Kao dobre primjere naveo je Savjetodavna vijeća formirana u Tešnju i Konjicu.

Sanela Slijepčević, direktorica MSS „Hazim Šabanović“ je podržala ove aktivnosti i istakla da će u narednom periodu raspravljati o ovoj temi na sjednici Školskog odbora

- Alija Bojčić je istakao da je uspostava Savjetodavnog vijeća dobar način da se vještine stečene neformalnim putem priznaju i podržao je ovaj projekat.
- Vildana Džafić je podržala ove aktivnosti i istakla je problem nedostatka „starih majstora“ koji bi prenijeli znanje na nove generacije. Takođe je istakla zanimanja CNC operatera i obučara.
- Fuad Kadić je ove aktivnosti ocijenio kao pozitivnu inicijativu i istakao da će napredak biti i sa postepenim obučavanjem radnika, jer je riječ o opsežnom projektu. Ključnu ulogu u ovom procesu ima Udruženje poslodavaca.

Nakon diskusije po ovoj tački dnevnog reda donesen je slijedeći zaključak;

**1) Da se u narednom periodu pokrenu aktivnosti i to;**

- a) Sačiniti upitnik za analizu potreba tržišta rada na području općine Visoko
- b) Sprovesti istraživanje o potrebama lokalnih preduzeća o potrebama za obukom i zapošljavanjem postojećih uposlenih i novim upošljavanjem u deficitarnim zanimanjima.



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA VISOKO  
PRIVREDNI SAVJET OPĆINSKE NAČELNICE**



**2) Nacrt Strategije razvoja općine Visoko za period 2015 do 2021 godine**

- Emir Fejzović, šef Odsjeka za lokalni ekonomski razvoj je dao uvodne napomene vezane za Strategiju razvoja općine Visoko za period 2015 do 2021 godine i istakao je činjenicu da je na sjednici Općinskog vijeća usvojen Nacrt Strategije i otvorena je javna rasprava u trajanju od 60 dana , te da očekujemo od privrednika kvalitetne prijedloge, primjedbe i sugestije na Nacrt Strategije. Takođe ,imenovani je upoznao prisutne sa projektima realizovanim u 2015 godini i sa narednim aktivnostima Odsjeka za LER.

Konstatovano je slijedeće;

**1) Nacrt Strategije je prosljeđen svim privrednim društvima koja posluju na području općine Visoko i isti je objavljen na web stranici Općine Visoko, te je na taj način pružena mogućnost svim privrednim subjektima da učestvuju u kreiranju ovog strateškog dokumenta. Dio Strategije koji obuhvata strateške ciljeve će se posebno razmatrati na narednoj sjednici Privrednog i Poljoprivrednog savjeta.**

**3) Nacrt Odluke o općinskim komunalnim taksama**

- Uvodne napomene vezane za Nacrt Odluke o općinskim komunalnim taksama dala je Suada Koljenović, šef Odsjeka za privredu i istakla činjenicu da se ranija Odluka o komunalnim taksama morala izmjeniti , zbog Presude Ustavnog suda FBiH. Novi kriteriji za obračun komunalne takse su slijedeći parametri; veličina pravnog lica (mala ,srednja i velika), koeficijent položajne pogodnosti i osnovica za obračun komunalne takse.

Upoznala je prisutne privrednike sa primjerima obračunate komunalne takse na godišnjem nivou po naprijed navedenim kriterijima i istakla činjenicu da je komunalna taksa, ukoliko se usvoji ova Odluka na sjednici Općinskog vijeća izuzetno povoljna za pravna i za fizička lica koja posluju na području općine Visoko. Naglasila je da će prihod Općine Visoko primjenom ovakve Odluke biti umanjen za 30% po osnovu ovih prihoda, ali će se izvršiti niža fiskalna opterećenja za privredne subjekte i time stimulisati rast i razvoj svih privrednih djelatnosti.

**Nakon rasprave prisutni su dali pozitivnu ocjenu o Nacrtu Odluke o općinskim komunalnim taksama.**

26.11.2015. godine

Zapisnik vodila

Koljenović Suada